

Ouch had sy sich mit fryem willen dor yn gegen den vilgenanten er^{a)} Jost Czungker ouch vor (zuget ?) das sölcher vörsigelter briff desz vszsprochsz vormals von vnsersz gnedigen hern von S(achsen) erbere rethe beteidigt, nemlich herrn Jörg von Bemberg, dye czeit obirster marszschalk, vnd herrn Heinrich Růsze, herre von Plauwen, in seyner voller macht vnd craft bliben sal, den unvörbröchlich yn allen stücken zcu halden, nach ynhaldunge desz selbigen briffes.

Item vnd der bacc(alaureus) Czenker sal sye brengen nach synem fleysze usz dem banne mit yrem eygen gelde, was esz wirt kosten vnd was der ytczunt genante bacc(alaureus) Czungker mit andern seyner helfern yn solcher sachen vorczert^{e)} had, das sal er volle macht haben, wyder zcu nemen von yren eygen gütern.

Solche berichtunge ist gescheen vor den erbarn vnd vilwyszen Albrecht Koche, dye czeit stad voyt, vnd Hansz Mōszler, gesworner, dye der erbare rat der genanten stad Czwickaw dorczu bestallt had^{a)} an rates stad. Ouch vor mir Johann Borgkard alsz vor eynen offinw(aren) schribern vnd den nachfolgenden geczügen alszo Jost Schrōter vnd Andresz Gůlick, dye czeit mitwoner alhy zcu Czwickaw, dorczu gerufen und gebeten.

Ûbir solche berichtunge der vilgemelte bacc(alaureus) mich vorgeanten Johann alsz eynen offinwaren schribern gebeten had, ab isz wurde not sein zcu machen eyn offinwar schrift ader also vil alß ir würde not sein, dobyey seyⁿ ouch gewest^{f)} ir gebornde frůnde beyde manne vnd frauwen vnd haben yn^{a)} solche berichtunge mechticlich vorwillet.

Ouch wasz sye dar Ûbir meh^r möchte bedengken, desz wil sy eygentlich vorzeichent geben.

a-a) über die Zeile geschrieben b) folgt durchgestrichen und den kallenden c) durch Beschädigung des Blattrandes unleserliche Stellen in Klammern ergänzt d) folgt durchgestrichen vorgeanten e) folgt durchgestrichen haben f) folgt durchgestrichen all

656.

ohne Datierung

Vertrag zwischen Katharina Unger und Jobst Zenker.

fol. 112r Item dy Katherina Ungerin hat ^{a)}an ratis stat^{a)} in einem syczenden rad dem bürgermeister Niclas Storm und dem stadtvoyt Albrecht Kuch an gerichtis stat mit hant unde munde gereth und gelobit mit iren fräulichen czüchten, trewen und eren, das sy ern Jost Czencker des rechten gestehen unde sein wil, wu unde wen er sy, darczu vormanen adir vordirn wirt. Das auch gelobit, als oben berurt ist, mit allem irem gute und habe, wu sy das hat, czu Czwicka, zcu Egir adir an welichen steten das sey, unde bey vorlyszunge der sache und alles ires gutesz, wu sy dorinne bruchig wurde adir nicht hilde.

a-a) über die Zeile geschrieben